

**ЎЗБЕКИСТОН RESPUBLIKASI  
VAZIRLAR MAHKAMASINING  
QARORI**



**ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН**

« 2 » ОКТЯБРЬ 20 19 у.

№ 834

Toshkent sh.

**Заргарлик буюмларини ишлаб чиқариш, импорт қилиш ва уларнинг реализацияси мониторингини амалга ошириш тартиби тўғрисидаги низомни тасдиқлаш ҳақида**

Ўзбекистон Республикаси Президентининг “Ўзбекистон Республикасида заргарлик тармоғини жадал ривожлантириш чора-тадбирлари тўғрисида” 2019 йил 18 майдаги ПФ–5721-сон Фармони ижросини таъминлаш ҳамда республикада заргарлик буюмларини ишлаб чиқариш ва уларнинг реализациясини тартибга солиш мақсадида Вазирлар Маҳкамаси **қарор қилади:**

1. Заргарлик буюмларини ишлаб чиқариш, импорт қилиш ва уларнинг реализацияси мониторингини амалга ошириш тартиби тўғрисидаги низом иловага мувофиқ тасдиқлансин.

2. Ўзбекистон Республикаси Давлат солиқ қўмитаси бошқа манфаатдор вазирлик ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштиради.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – молия вазири Ж.А. Қўчқоров ва Ўзбекистон Республикаси Давлат солиқ қўмитаси раиси Б.А. Мусаев зиммасига юклансин.

**Ўзбекистон Республикасининг  
Бош вазири**



**А. Арипов**

**Заргарлик буюмларини ишлаб чиқариш, импорт қилиш ва уларнинг  
реализацияси мониторингини амалга ошириш тартиби тўғрисида  
низом**

**1-боб. Умумий қоидалар**

1. Ушбу Низом заргарлик буюмларини ишлаб чиқариш, импорт қилиш ва уларнинг реализацияси мониторингини амалга ошириш (кейинги ўринларда мониторинг қилиш деб аталади) тартибини белгилайди.

2. Заргарлик буюмларини ишлаб чиқариш, импорт қилиш ва уларнинг реализацияси мониторинги ушбу Низомга иловадаги схемага мувофиқ амалга оширилади.

**2-боб. Заргарлик буюмларини ишлаб чиқариш, импорт қилиш  
ва уларнинг реализацияси бўйича маълумотларни  
шакллантириш тартиби**

3. Қуйидагилар идоралараро ахборот алмашинуви воситаси орқали:

а) Ўзбекистон Республикаси Марказий банки қимматбаҳо металллар сотиб олган тадбиркорлик субъектлари тўғрисида;

б) Ўзбекистон Республикаси Молия вазирлиги ҳузуридаги Давлат асиллик даражасини белгилаш палатаси:

қимматбаҳо металллар ва қимматбаҳо тошлардан заргарлик буюмлари ишлаб чиқаришга лицензия;

қимматбаҳо металллар ва қимматбаҳо тошлар билан ишлашга рўйхатдан ўтказиш гувоҳномасини олган тадбиркорлик субъектлари тўғрисида;

в) Ўзбекистон Республикаси Давлат божхона қўмитаси республика ҳудудига олиб кирилган ва “эркин муомалага чиқариш (импорт)” божхона режимига расмийлаштирилган заргарлик буюмлари (ТИФ ТН позицияси 7113-7116), қимматбаҳо металл ва тошлар (ТИФ ТН позицияси 7101-7112) тўғрисида;

г) Ўзбекистон Республика товар хом ашё биржаси биржа савдолари орқали қимматбаҳо металлларни сотиб олган тадбиркорлик субъектлари тўғрисида;

д) “Навоий кон-металлургия комбинати” давлат корхонаси ва “Олмалик кон-металлургия комбинати” акциядорлик жамияти қимматбаҳо

металлар сотиб олган тадбиркорлик субъектлари тўғрисидаги маълумотларни реал вақт режимида Ўзбекистон Республикаси Давлат солиқ қўмитасига тақдим этиб боради.

4. Келиб тушган ҳамда мавжуд бошқа ахборотлар асосида Давлат солиқ қўмитасида заргарлик буюмларини ишлаб чиқариш, импорт ва реализация қилиш фаолияти билан шуғулланадиган тадбиркорлик субъектлари тўғрисида маълумотлар базаси шакллантирилади.

### **3-боб. Мониторинг қилиш тартиби**

5. Давлат солиқ қўмитаси томонидан ушбу Низомнинг 3-бандига мувофиқ шакллантирилган маълумотларни тадбиркорлик субъектларининг давлат солиқ хизмати органларига топширган ҳисоботлари, шунингдек, қонун ҳужжатларига мувофиқ солиқ тўловчиларнинг мажбуриятлари пайдо бўлиши (тугатилиши) тўғрисида маълумот тақдим этадиган ташкилотлардан олинган маълумотлар билан солиштириш орқали камерал назоратдан ўтказилади.

Бунда қуйидагиларга аҳамият қаратилади:

а) заргарлик буюмларини ишлаб чиқариш соҳасида:

қимматбаҳо металллар ва қимматбаҳо тошлардан заргарлик ва бошқа буюмларни ишлаб чиқаришга лицензия мавжудлиги;

тадбиркорлик субъектлари томонидан давлат солиқ хизмати органларига тақдим этилган солиқ ҳисоботларида реализация қилинган маҳсулотлар миқдори тўғри кўрсатилганлиги;

б) заргарлик буюмлари импорти амалга оширилганда:

қимматбаҳо металллар ва қимматбаҳо тошлар билан ишларни амалга ошириш ва (ёки) заргарлик буюмлари ва қимматбаҳо металллар ва қимматбаҳо тошлардан ясалган бошқа буюмлар билан савдо қилиш учун гувоҳноманинг мавжудлиги;

импорт қилинган заргарлик буюмларининг миқдори реализация миқдorigа мувофиқлиги;

заргарлик буюмларининг импорт ва реализация миқдорларининг тадбиркорлик субъектлари томонидан давлат солиқ хизмати органларига тақдим этилган солиқ ҳисоботларидаги кўрсаткичларга мувофиқлиги;

в) заргарлик буюмларини реализация қилиш бўйича:

заргарлик буюмлари ва қимматбаҳо металллар ва қимматбаҳо тошлардан ясалган бошқа буюмлар билан савдо қилиш гувоҳномасининг мавжудлиги;

турғун савдо шохобчасида фаолият юритилганда назорат-касса машиналари ва тўлов терминаллари билан белгиланган тартибда жиҳозланганлиги;

сотиб олинган ва реализация қилинган маҳсулотлар суммасининг ўзаро мувофиқлиги;

ҳисобот даврида маҳсулот реализациясидан тушумлар миқдорининг давлат солиқ хизмати органларига тақдим этилган солиқ ҳисоботларидаги кўрсаткичларга мувофиқлиги.

Қонун ҳужжатларига мувофиқ олинган маълумотлар асосида давлат солиқ хизмати органлари ваколатларига тааллуқли бошқа масалалар ҳам таҳлил қилиниши мумкин.

#### **4-боб. Мониторинг натижаси бўйича кўриладиган чоралар**

6. Ушбу Низомнинг 5-бандига мувофиқ ўтказилган камерал назорат натижасига кўра тафовутлар мавжудлиги аниқланса, солиқ тўловчига унинг ҳисоботларига тегишли тузатишлар киритиш ҳамда камчиликларни бартараф этиш юзасидан белгиланган тартибда талабнома юборилади.

7. Камерал назорат натижалари бўйича солиқ тўловчи томонидан тақдим этилган ахборотнинг ишончлилигини тасдиқлаш лозим деб топилган ҳолларда, белгиланган тартибда мавзули экспресс-ўрганиш амалга оширилади.

8. Камерал назорат ва (ёки) мавзули экспресс-ўрганиш, шунингдек, ўтказилган текширишлар натижасига кўра тадбиркорлик субъектлари томонидан асиллик даражасини белгилаш ёки тамғалашнинг белгиланган тартибини бузиш, шунингдек, кирим қилинмаган заргарлик буюмларини сотиш ҳолатлари аниқланган тақдирда, қонун ҳужжатларида белгиланган тартибда солиқлар ва бошқа тўловларни ҳисоблаш ва белгиланган тартибда жавобгарликка тортиш чоралари кўрилади.

Тадбиркорлик субъектларининг фаолиятида жинойт аломатлари мавжуд деб топилган ҳолларда, материаллар қонун ҳужжатларида белгиланган тартибда ҳуқуқни муҳофаза қилувчи органларга юборилади.

9. Заргарлик буюмларини ишлаб чиқариш, импорт қилиш ва уларнинг реализацияси билан шуғулланадиган тадбиркорлик субъектлари фаолиятида Давлат солиқ хизмати органлари томонидан ўтказиладиган солиқ назорати тадбирларига белгиланган тартибда мутахассислар (экспертлар) жалб этилиши мумкин.

#### **5-боб. Яқунловчи қонда**

10. Мазкур Низом талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

Заргарлик буюмларини ишлаб чиқариш, импорт  
қилиш ва уларнинг реализацияси мониторингини  
амалга ошириш тартиби тўғрисидаги низомга  
илова

**Заргарлик буюмларини ишлаб чиқариш, импорт қилиш ва уларнинг реализацияси мониторингини амалга ошириш  
СХЕМАСИ**

Босқичлар	Субъектлар	Тадбирлар	Ижро муддати
1-босқич	Ўзбекистон Республикаси Марказий банки	Қимматбаҳо металллар сотиб олган тадбиркорлик субъектлари тўғрисидаги маълумотларни Ўзбекистон Республикаси Давлат солиқ қўмитасига тақдим этиш.	Реал вақт режимда
	Ўзбекистон Республикаси Молия вазирлиги ҳузуридаги Давлат асиллик даражасини белгилаш палатаси	Қимматбаҳо металллар ва қимматбаҳо тошлардан заргарлик буюмлари ишлаб чиқаришга лицензия, қимматбаҳо металллар ва қимматбаҳо тошлар билан ишлашга рўйхатдан ўтказиш гувоҳномасини олган тадбиркорлик субъектлари тўғрисидаги маълумотларни Ўзбекистон Республикаси Давлат солиқ қўмитасига тақдим этиш.	Реал вақт режимда
	Ўзбекистон Республикаси Давлат божхона қўмитаси	Республика ҳудудига олиб кирилган ва “эркин муомалага чиқариш (импорт)” божхона режимига расмийлаштирилган заргарлик буюмлари (ТИФ ТН позицияси 7113-7116), қимматбаҳо металл ва тошлар (ТИФ ТН позицияси 7101-7112) тўғрисидаги маълумотларни Ўзбекистон Республикаси Давлат солиқ қўмитасига тақдим этиш.	Реал вақт режимда
	Ўзбекистон Республика товар хом-ашё биржаси	Биржа савдолари орқали қимматбаҳо металлларни сотиб олган тадбиркорлик субъектлари тўғрисидаги маълумотларни Ўзбекистон Республикаси Давлат солиқ қўмитасига тақдим этиш.	Реал вақт режимда
	“Навоий кон- металлургия комбинати” давлат корхонаси ва “Олмалиқ кон-металлургия комбинати” акциядорлик жамияти	Қимматбаҳо металллар сотиб олган тадбиркорлик субъектлари тўғрисидаги маълумотларни Ўзбекистон Республикаси Давлат солиқ қўмитасига тақдим этиш.	Реал вақт режимда

2-босқич	Давлат солиқ хизмати органлари	Заргарлик маҳсулотларини ишлаб чиқариш, импорт қилиш ва уларни реализация қилиш фаолияти билан шуғулланадиган тадбиркорлик субъектлари тўғрисида маълумотлар базасини шакллантириш.	Дастурий маҳсулот орқали электрон шаклда
3-босқич	Давлат солиқ хизмати органлари	Шакллантирилган маълумотлар асосида тадбиркорлик субъектларининг давлат солиқ хизмати органларига топширган ҳисоботлари, шунингдек, қонун ҳужжатларига мувофиқ солиқ тўловчиларнинг мажбуриятлари пайдо бўлиши (туғатилиши) тўғрисида маълумот тақдим этадиган ташкилотлардан олинган маълумотлар билан солиштириш орқали камерал назоратдан ўтказиш.	Ҳар чоракда
4-босқич	Давлат солиқ хизмати органлари	Камерал назорат натижалари бўйича солиқ тўловчи томонидан тақдим этилган ахборотнинг ишончилигини тасдиқлаш лозим деб топилган ҳолларда, белгиланган тартибда мавзули экспресс-ўрганиш амалга ошириш.	7 иш куни
5-босқич	Давлат солиқ хизмати органлари	Камерал назорат ва (ёки) мавзули экспресс-ўрганиш, шунингдек, ўтказилган текширишлар натижасига кўра тадбиркорлик субъектлари томонидан асиллик даражасини белгилаш ёки тамғалашнинг белгиланган тартибини бузиш, шунингдек, қирим қилинмаган заргарлик буюмларини сотиш ҳолатлари аниқланган тақдирда, қонун ҳужжатларида белгиланган тартибда солиқлар ва бошқа тўловларни ҳисоблаш ва ўрнатилган тартибда жавобгарликка тортиш чораларини кўриш.	Ҳолатлар аниқланганда
6-босқич	Давлат солиқ хизмати органлари	Камерал назорат ва (ёки) мавзули экспресс-ўрганиш, шунингдек, ўтказилган текширишлар натижасида тадбиркорлик субъектлари фаолиятида жиноят аломатлари мавжуд деб топилган ҳолларда, материалларни қонун ҳужжатларида белгиланган тартибда ҳуқуқни муҳофаза қилувчи органларга юбориш.	Ҳолатлар аниқланганда

